

Awie

asah bakat pengucapan awam

Oleh Basir Zahrom

basir_zahrom@
bh.com.my

► Bangi

Cenderung memilih untuk aktif dalam aktiviti debat dan pidato ternyata memberi kelebihan kepada personaliti Varsiti minggu ini, Zainal Asnawi Asyraf Zainal Abidin untuk mengasah bakat dalam bidang pengucapan awam dan kepemimpinan.

Baginya, kedua-dua bidang itu saling berkait rapat dalam membentuk keyakinan diri, keperibadian berani untuk menonjol dan berhujah.

Beliau yang memegang tanggungjawab sebagai Speaker Majlis Perwakilan Pelajar, Universiti Kebangsaan Malaysia (UKM), berkata untuk menjadi

pemimpin yang hebat, seseorang itu perlu menjadi pengikut yang baik terlebih dahulu.

"Saya sudah menjadi pemimpin pelajar sejak di sekolah rendah sehingga ke peringkat menengah. Setiap jawatan yang disandang saya galas dengan penuh amanah dan komited demi memastikan hasil yang terbaik.

"Meskipun tidak dapat lari daripada halangan dan cabaran, namun saya bertekad

dan tidak cepat berputus asa dalam memastikan tanggungjawab dapat dilaksanakan dengan baik," katanya.

Kini menuntut dalam jurusan undang-undang, beliau yang lebih senang dipanggil Awie mengakui kelebihan itu antara faktor dipilih sebagai Speaker MPP UKM dan Parlimen Mahasiswa UKM 2015/2016.

Keyakinan diri

Katanya, selain aktif menyertai pertandingan debat bahasa Melayu di dalam dan luar UKM, beliau juga menganjurkan sendiri pertandingan pidato dan debat.

"Penyertaan saya dalam pertandingan pengucapan awam menambah keyakinan diri, selain lebih berani untuk melontarkan idea, hujah serta pendapat.

"Antara kenangan manis sepanjang di

UKM ialah kejayaan menjayakan Program Pidato Pengerusi Yayasan Pendidikan Cheras dan saya bertindak sebagai Pengarah, dibantu 20 ahli jawatankuasa yang memberi komitmen jitu sehingga mampu menganjurkan program berbentuk intravarsity," katanya.

Awie berkata, kejayaan itu bagaikan satu kepuasan buat dirinya kerana mampu menyumbang sesuatu yang cukup signifikan, bukan saja kepada pelajar, malah universiti amnya.

PROFIL

Zainal Asnawi Asyraf

Zainal Abidin

Asal: Melaka

Pendidikan: Ijazah

Sarjana Muda

Undang-undang

dengan Kepujian

Tarikh lahir: 29

Januari 1993

Pencapaian:

- Speaker Majlis Perwakilan Pelajar UKM sesi 2015/2016
- Ahli aktif Yayasan Pendidikan Cheras.
- Peserta Separuh Akhir Pertandingan Debat Gender 2015
- Peserta Separuh Akhir Pertandingan Debat Diraja 2015.
- Pengarah Pidato Pengerusi Yayasan Pendidikan Cheras.
- Timbalan Ketua Pengarah National Young Entrepreneurs Summit 2015.



Zainal Asnawi menerima wotikah pelantikan MPP daripada Nub Hassan, UKM, (tengah) Datuk Dr Nor Azlan Ghazali.